

Epistola Patris Joannis de Brébeuf ad Reverendissimum Patrem Vincentium Caraffa,
Præpositum Generalem Societatis Jesu, Romæ.

R EVERENDE A. IN X^o PATER.
Pax Xⁱ.

Puto omnino supervacaneum scribere ad P. V. de statu hujus nostræ missionis huronicæ, cum ex officio et abunde, ut opinor, præstiterit R. P. Paulus Ragueneau noster superior. Nunc ex una parte status rerum nostrarum optimus esse videtur; tum quia domi summa pax, unio et tranquillitas viget inter nostros et inter domesticos, tum etiam quia omnes pietati, virtuti et perfectioni in primis student, tum quia res christiana satis feliciter procedit, christianis magis magisque excrescentibus non solum numero sed etiam virtute, totque se aperuerunt occasiones longe lateque promulgandi evangelii, ut brevi tempore magnos progressus factura esset fides nisi operiorum summa penuria nostris desideriis, conatibus et occasionibus obstaret; quam ob causam instanter a R. P. P^{li} petimus ut multos operarios ad excoldam hanc vineam mittat quæ si unquam, antea videtur jam nunc ad messem albescere. Addo etiam, ad fortiorum spir*ium* nostrarum statum rerum